

V.

Za realizaciju ovog zaključka zadužuje se Upravni, odnosno Nadzorni odbor i direktor privrednog društva "Nova Trgovina" Žepče, koji su u svemu obavezni postupiti po zakonu i u okviru svoje nadležnosti, te o tome izvijestiti resorno ministarstvo.

VI.

Za realizaciju tačke IV. ovog zaključka zadužuje se Agencija za privatizaciju Zeničko-dobojskog kantona.

VII.

Zaključak stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-19-15361/04.
12.07.2004. godine
Zenica

PREMIJER
Nedžad Polić, s.r.

199.

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), a u skladu sa Privremenom odlukom o kriterijima za utvrđivanje liste preduzeća na području Zeničko-dobojskog kantona prema kojima Vlada Kantona vrši ovlašćenja i obaveze vlasnika državnog kapitala ("Službene novine Zeničko-dobojskog kantona", broj 9/97.), Vlada Zeničko-dobojskog kantona, na prijedlog Ministarstva za privredu, na 49. sjednici, održanoj 12.07.2004. godine, **d o n o s i**

ZAKLJUČAK

o davanju saglasnosti za izdvajanje stalnih sredstava, odnosno dijela imovine - nekretnina, iz privrednog društva "Nova Trgovina" d.d. Žepče

I.

Daje se saglasnost na izdvajanje stalnih sredstava, odnosno dijela imovine - nekretnina, iz privrednog društva "Nova Trgovina" Žepče, a odnosi se na poslovni prostor "Nove Trgovine" Žepče, u površini od 107,20 m² dijela privredne zgrade "kuća i dvorište" k.č. 609/7 upisano u

Pl. broj 281 K.O. Željezno polje, radi ustupanja ovih sredstava općini Žepče na korištenje ili raspolaganje, bez naknade.

II.

Nekretnina iz tačke I. namijenjena je rješavanju potreba u obavljanju djelatnosti poljoprivredne zadruge "Poljar" Željezno polje, općina Žepče.

Općina Žepče će svojim aktima regulirati način stavljanja ove imovine u funkciju namjene.

III.

Sve troškove nastale po osnovu realizacije ovog zaključka snosi općina Žepče.

IV.

Vlada je saglasna da se sva eventualna prava i obaveze nastale usljed promjena u statusu imovine, a koja bi se odnosila na treća lica za koja se eventualno utvrde vlasnička prava, riješe u postupku revizije koja će prethoditi izradi početnog bilansa i programa privatizacije.

V.

Za realizaciju ovog zaključka zadužuje se Upravni, odnosno Nadzorni odbor i direktor privrednog društva "Nova Trgovina" Žepče, koji su u svemu obavezni postupiti po zakonu i u okviru svoje nadležnosti, te o tome izvijestiti resorno ministarstvo.

VI.

Za realizaciju tačke IV. ovog zaključka zadužuje se Agencija za privatizaciju Zeničko-dobojskog kantona.

VII.

Zaključak stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-19-15362/04.
12.07.2004. godine
Zenica

PREMIJER
Nedžad Polić, s.r.

Na osnovu člana 149. Poslovnika o radu Skupštine Zeničko-dobojskog kantona ("Službene novine Zeničko-dobojskog kantona", broj: 11/00), a po izvršenom savjetovanju Amandmana VII-LII na Ustav Zeničko-dobojskog kantona objavljenih u "Službenim novinama Zeničko-dobojskog kantona", broj: 8/04; i Izvornika Amandmana VII - LII na Ustav Zeničko-dobojskog kantona sa Prijedlogom Amandmana VII - LII na Ustav Zeničko-dobojskog kantona, broj: 02-01-11808/04 od 03. 06. 2004. godine uočena je greška, te se daje sljedeća

ISPRAVKA**I**

U Amandmanu XXX stav 1. alineja druga Izvornika Amandmana VII - LII na Ustav Zeničko-dobojskog kantona i Amandmana VII - LII na Ustav Zeničko-dobojskog kantona objavljenih u "Službenim novinama Zeničko-dobojskog kantona", broj: 8/04, umjesto teksta: "predlaganje Skupštini Kantona smjene ministara, u skladu sa zakonom"; treba da stoji tekst: "smjenu ministara u skladu sa zakonom".

II

Ispravka će se objaviti u "Službenim novinama Zeničko-dobojskog kantona".

Broj: 01-01-13636-1/04
Zenica, 09. 08. 2004. godine

SEKRETAR
Emina Sinanović